

KiMakua - Agape Malhove Matakatifu - God's Love Letter Scriptures

NaYohana 15:9 Kinottunani mwaattiva thoko Athithi chikittunne aya mii, nhalheke nchuwelhaka wiira kinouttunani.

Isaya 43:1,2 - Attu o UEfeso 2:10 Nlhuku anuupilhe hii thoko chiri ihu, ni wo ulhutaana wihi ni Yesu Kuristo, honuupa nivare mitheko choombone, chineeshenre awe toka khalhayi niwe naapanga.

NaYeremiya 1:5 - AGalatiya 1:15 Nansho, Nlhuku wo nnema wawe ahokithanlha toka anumwanaka ahinakiyara, nkaakiihana wiira kinkavihe ntheke awe.

NaYohana 15:16 Kanhiwe mwaatti mwaakithanlhe miyaano, mii phi othanheni, nkakorumani nrwee mwemme maphepu menchi, maphepu anolhokelha. Athithi awe yoovahani ittu iriyoothe inaalhepelha inyu wo nchina naka.

3 NaYohana 1:2 Ampwana kinaattuna aka, kinoulhapelhelhani chinene wiira chittu chonkhaye chuukhalhelhe rata ni ukumi awo wo iruttu ukhalhe rata thoko chikhanlhe aya munnepani mwao.

Isaya 43:4 - 1 NaPeturo 2:9,10 Nansho mwaatti phi iyari ithanliye, opochera ishaani e imwene, nikoshonitakatifu nithanliye uvaramitheko cha Nlhuku, wiira nhimiache mitheko chawe owiihanneni nkhume mwiipiphini nkookelhihani munthukoni mwawe mwo ushangiha. 10 Khalhayi mwaatti khamwaari attu a Nlhuku nansho vano phi attu awe. Yeo ikatema iyo Nlhuku khowonenheni ikiriri nansho vano howoonelhani ikiriri.

NaYeremiya 31:3 - Attu o UEfeso 1:4 Ilhapo ihinaaya wuupiya, Nlhuku ahomalha unithanlha nikhalhe attu awe mu ulhutaanani ni Kuristo. Nikhalhe atakatifu ahiri ni ittu yo ulhaphachiya mmiholho mwawe.

2 NaTimotheo 1:9 Nlhuku ahonoopolha nkaaniihana nikhalhe attu awe, kuhiwe wo nlhatu wo mitheko chihu nansho wo nlhatu wo malhakelho awe ni wo nnema waya. Yoyo nnema uyo naavahiye wo iphiro ya Kuristo Yesu mahuku toka machokholhelho.

NaYohana 3:16 Nlhuku ahaattuna attu o velhaponi chinene, wo chiichammo etu, nkankhumih Mwaana awe o yekha, riyoothe nonrumelhelha hipotere, nansho akhalhe ni ukumi wo uhimalha.

NaHosea 11:8; Isaya 49:15,16; & Isaya 41:13,14

Luka 12:32 “Nhoove, inyu mwaatti nri nlhoko mwankani wa owiittucha aka, Athumwaninyu o wiirimu ahochivelhiya uuvahani mwaatti Imwene.

NaMatayo 28:20 mwettuchiheke uvvara malhehero onkhaye yuvanheakani.

Ni mii kinolhokelha vamoka ni inyu mahuku onkhaye, mpaka umalha wo ilhapo.”

NaYohana 14:1 Yesu nkeerelha, “Nhichukulhe munrimani mwinyu.

Munrumelhelheke Nlhuku, nkirumelhelheke ni mii.

IZaburi 23:1 - NaYohana 10:11 “Miyaano phi nshunga orera nrima, nokumiha ukumi awe wo nlhatu no wiinanelha ikhondoro chawe.

IZaburi 23:2 - Upatakulhelhiya 7:17 ukhalhawaya Mwaana o Khondoro rii variyari ihiche yo imwene nowa ukhalha nshunga aya o waashunga. Ni uyo nowa aaholhelha urii nraro no maashi anowiiha ukumi. Ni uyo Nlhuku nowaapoholha miithori onkhaye mmiithoni mwaya.”

IZaburi 23:3,4 - Luka 1:79 ni waamwalhelha nthuko attu onkhaye ari mwiipiphini mwo nookhwa, ni unooniha iphiro yo urwaa umpuhani.”

IZaburi 23:5,6 - 2 AKorintho 1:10 Yayo yahonoopolha mu itatako yulhupalhe thoko yelhe yaathanana uniiva ilhe. Ni ayo anoothepa unoopolha, ni hiyaano niheeshera nikulhuvelho nihu wiira anonoopolha tho.

Attu o UFilipi 4:7 Ni mpuha wa Nlhuku umpwaha irusho chonkhaye cha attu, unoshungerera rata mirima chinyu ni irusho chinyu wo ulhutaana ni Kuristo Yesu.

Malhikaaniho 3:24 & IZaburi 4:8 - NaYohana 14:27 “Mpuha phi nouhiyeraakani, kinouvahani mpuha aka. Akinoovahani thoko attu o velhaponi chineera aya. Nhikhelhiye nipampa munrimani, mena nhoove.

IZaburi 33:18 - 1 NaPeturo 3:12 Ukhalihawaya miitho a Athithi anaaweha attu o nrima worera, Anowewelhelha vanolhapelha aya, nansho ikohi ya Athithi inaakhota attu o uwonya.”

ARumi 5:2 Wo upisha nrima wihu Yesu honiwiha urii nnema wa Nlhuku unokhalha ihm vano. Paahi etu ni hii ninottapelhelha ni ukhulhuvelha upatta nthimicho wa Nlhuku.

Isaya 55:12 - Luka 19:40 Yesu nkaakhulha, “Kinouhimeriani wiira, kaamaalhihaka, malhuku anoweemelha ni ukhuwelha.”

NaYohana 16:22 Chiichammo phi ri aya uwaninyu mwaatti, vano nri mu

**wuunlhani, nansho kinowa koowoonani tho, ni mirima chinyu chinowa
uteelhiya, uteelhiya uhinooria uthamihiya ni ntu.**

**Luka 12:9 Nansho attu onkhaye anokikhotta vaattuni, Mwaana a Ntu
nowa ni uyo nowa unkhota wo minepa cha Nlhuku.**

**NaMatayo 10:30 Nansho uwanyaka mwaattiva, ata ikharari chinyu cho
mmuruni chihaalhakelhiya chonkhaye.**

**Isaya 54:10 - NaMatayo 24:35 Irimu ni ilhapo chinoovira, nansho malhove
aka khanovira mena.”**

**NaMatayo 11:28-30 Mmweeke uwannyaka mwaattiva onkhaye, nnohuva ni
ulhemelhiya misigo va, ni mii kinowiittuwihani. 29 Mwiittukeke
nikonkwa naka, nkusheke irusho uwannyaka, ukhalhawaya mii kiri ntu
o maalha ni wiitimarikha munrimani, ni inyu nnova mwaapatta nipuro
no wiittuwa. 30 Ukhahawaya nikonkwa ninouvahakani mii niri no
wolhwaa, ni nsigo kinouvahaakani khulhemenhe uri pheruu.”**

NaSelemani 2:10 & NaHosea 2:14,19,20

**2 AKorintho 11:2 Kinwoonelhani ihache, nansho ihache ya Nlhuku
mwanene. Ukhahawaya, mwaattiva nri thoko mwalhi hinanarihiye
kinvekinhe aka wa nlhopwana mmoka tu, Kuristo mwanene.**

**Exodus 3:14 - AEbraniya 13:8 Yesu Kuristo phi yoyoyo, nchana ni Ihelho
mpaka mahuku o uhimalha.**

**NaHosea 13:4 - Mitheko 4:12 Noopo nopattiya wa iphiro awe vekha,
velhaponi wuuthi irimu vonkhaye khaniwo nchina nikina niriyothe
nikumihiyi ni Nlhuku wiira ninoopolhe.”**

**NaYohana 15:14 Mwaattiva nnookhalha manyampwana aka mwapangaka
kinoolheherakani alha.**

**NaYohana 14:6 Yesu nkaakhulha, “Miyaano phi iphiro, ikekheni ni
ukumi. Khaawo ntu nooria urwaa wa Athithi aahivireke uwannyaka.**

**Upatakulhelhiya 3:20 Mwiwelhelheke! Mii kineemelha vankhorani ni
uhodisha. Ntu akiiwaka nlhove naka ni ukihulhelha nkhora, kinokelha
unupani wawe ni unlhiana yolahia ni uyo nokhilhiana.**